



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 2. An error, qui committitur in nomine mutato, vitiet Rescriptum, seu
dispensationem?

urn:nbn:de:hbz:466:1-41144

error, qui irrepit in posito casu, haud dubie est circa qualitatem pertinentem ad rei substantiam, idéoque adjectam per modum taxationis.

465 Nihilominus dicendum est, errorem illum, qui in posito casu irrepit, nullatenus vitiasse dispensationem illam Pontificiam. Ratio est; quia verba debent servire intentioni; non autem intentio ipsis verbis: atqui intentio Pontificis fuit, velle dispensare in tertio affinitatis gradu, quia haud dubie voluit Pontifex dispensare super eo ipso matrimonii impedimento, quod sibi propositum fuerat, & de quo petebatur dispensatio; propositum autem fuerat impedimentum affinitatis, & de hoc petitam fuit dispensatio: ergo in illo voluit Pontifex dispensare, sive ejus dispensationem Vicario Generali committere; ut adeò error ille præter mandantis intentionem ex scriptoris incuria irrepserit, & idcirco omnino materialem censendum esse, cuius ratio habenda non est: atque adeò posse Vicarium Generale executioni mandare commissionem illam sibi à Pontifice factam, siquidem sufficieret sibi constet, errorem illum non suisse commissum à Cajo in ipsa supplici petitione.

Nec obstat citt. *C. super litteris*, ubi habetur, quod verba Rescripti sunt strictè accipienda, & ad alios

casus, quam expressos, non extendenda.

Nam ibi statim subjungitur: *nisi de intentione mandantis aliud appareret expressè: ex quo potius probatur tradita supra resolutio, cum hīc de mente Pontificis nullatenus dubitari possit, ut supra insinuatum est.*

Aliud tamen foret, si in ipsa Oratoris supplicatione per errorem loco affinitatis posita esset consanguinitas, vel loco Consanguinitatis affinitas. Tunc vitiaretur Rescriptum juxta Stylum Curiae, qui exigit verum impedimentum exprimi teste Corrad. in Curia diu versato, in Praxi dispens. Apost. l. 7. c. 5. n. 71. & leqq. Accedit, quod impedimenta illa sint diversa, & secundum se differant specie, nec unum includatur in altero, dispensatio autem, cum sit odiosa, nequeat extendi ad casum diversum, et si par vel major ratio sit pro altero casu, ut notat Felin. *C. Postulati de Rescr.*

Ad 2. Q. Quando erratur in nomine illius, quo cum dispensatur, videtur, dispensationem subreptitiam, & irritam esse: argumento tum ex *C. significante de Rescript.* desumpto, ubi petitum fuit à Pontifice Rescriptum contra G. Remensis Diœcesis, cum tamen non esset Remensis, sed Leonensis, & decisum est, Rescriptum

scriptum esse subreptitium. Tum quia privilegium intelligitur juxta verba in supplicatione posita, ut cum aliis docet Jas. l. Gallus, in 1. lectura §. idem credendum n. 10. in supplicatione autem est petita dispensatio personæ proprio nomine signata, adeoque non extenditur ad eam, quæ illud nomen non habet.

Verum spectato jure communis tenendum est contrarium cum Host. C. super litteris n. 12. de reser. Ant. c. significante citt. n. 9. Fel. lib. 1. Sanch. citt. D. 21. Laym. t. 4. c. 22. n. 27. Petr. Ledelm. c. 17. dub. 2. Diana tr. 10. de leg. R. 36. Ratio est, quia, ut supra dictum est, in Rescriptis intentio potius, quam verba, attendenda est. Intentio autem dispensantis re vera fuit dispensare cum eo, qui proposita cause æquitate, & veritate dispensationem suppliciter petiit; neque etiam decet, ut ejusmodi involuntarius error veritatis intentioni aliquid deroget.

Conf. Quando constat de corpore, error proprii nominis non vitiat Rescriptum, ut liquet à simili ex l. si quis in fund. 4. ff. de leg. ubi: si quis in fundi vocabulo erraverit, & Cornelianum pro semproniano nominaverit, debetur sempronianus. Item inst. de leg. 9. si quis in nomine. Ubi: Si quis in nomine, cognomine, prénomine, agnominé legatarii testator erraverit, si de persona constat, ni-

hilominus valet legatum. Nomina enim significandorum hominum gratia reperta sunt, qui si alio quolibet modo intelligentur, nihil intereat.

Atque Adeò quando ex aliis circumstantiis non constat, à concedente spectatam esse personam sibi notam, habitamque specialem illius rationem ad concedendam dispensationem, sed constat eodem modo concedendam cuicunque petenti, propositis justæ causæ meritis, dicendum est, errorem nominis tunc non vitiare dispensationem; quia tunc mens concedentis est propositæ causæ justæ merita attendere, &c., quamvis erretur in nomine personæ, intentionem dirigere ad eam, cui verè petitur, seu quæ supplicat pro gratia obtainenda, cùm ipsa persona nullum secundum se dispensandi motivum tunc prebeat, sed ipsa merita causæ, quæ proponitur. Unde

Ad argumentum in contrarium, ex C. significante R. Rationem decisionis illius textus fuisse, quod ex nullo adjecto potuerit constare de persona, contra quam fuit Rescriptum impetratum; si enim ex aliis circumstantiis de illa persona constaret, Rescriptum valeret, non obstante errore in designatione Diœcesis, ut ibi tradunt Innoc. n. un. Abb. n. 4. Imol. n. 4. Sanch. l. c. Fel. & alii. Nec obest, privilegium in-

Sss 3 telligi

telligi juxta verba in supplicatione posita; nam id verum est de substantialibus contentis in supplicatione, & quando aliunde non constat de mente concedentis, & persona, cui fuit vere intentio imperrandæ gratiæ, ut cum aliis citt. docet Host. l. c. Dixi spectato jure communi; nam juxta Stylum Curiæ Romanæ exprimi debent propria Oratorum nomina, secùs vitiatur Rescriptum, teste Corrad. *Prax. Dispens. Apost. l. 7. c. s. n. 4. & seqq.* qui fuit Officialis Dispensationum Apostolicarum in Cancellaria Romana, ut scilicet evitentur multæ fraudes, quæ ob mutationem nominis sub colore erroris intervenire possent; excipit tamen idem Corrad. nisi error esset minoris considerationis consistens præcisè in mutatione alicujus litteræ, vel Syllabæ, ut si poneretur *Antonius* pro *Antonino*, vel *Bernardus*, pro *Bernardino*. Porrò etsi Stylus Curiæ ita habeat, error tamen nominis in Rescripto Caji commissus illud non vitiavit, quia non fuit commissus ab Oratore Cajo, nec positus in ejus supplicatione, sed à rescribente, seu Rescriptum expediente: ubi non pugnat ratio à Corrado adducta.

467 Ad 3. Q. Quando scilicet petens dispensationem in supplicatione expressit se esse Diœcesis v. g. Constantiensis, uti revera esse ponitur, & in Rescripto per erro-

rem committitur dispensatio Officiali Eystettensi, cùm deberet committi Constantiensi, an & qualis tunc dispensare, seu commissionem exequi possit?

R. Non posse Eystettensem; posse autem Constantiensem. Ratio prioris partis fatis liquet; quia cùm id per errorem acciderit, deficit intentio Pontificis committentis, cuius mens, & voluntas fuit dispensationis executionem committere legitimo superiori, sive Ordinario ipsius pertinentis seu impenitentis dispensationem, prout præscribitur à Trident, *Sess. 22. r. s. de Ref.* legitimus autem Ordinarius impenitentis non est Eystettensis; sed Constantiensis, uti ponitur: ergo huic, & non illi committere voluit executionem.

Quod autem Constantiensis, qui est legitimus Ordinarius, non obstante eo errore, qui irrepli, possit dispensationem executioni mandare, colligi potest ex supra dictis; quia mens Pontificis fuit id committere vero, & legitimo Ordinario impenitentis, qui est Constantiensis, estque per accidentem, & quasi materialiter se habet, quod hic fuerit per errorem appellatus Eystettensis: atqui quando de corpore constat & mente concedentis, non obest error nominis, ut dictum est supra. Quod

Conf.